

漢魏六朝百三家集

銘

佛影銘

夫大慈弘物，因感而接。接物之緣，端緒不一。難以形檢，易以理測。故已備載經傳，具著記論矣。雖舟壑緬謝，像法猶在。感運欽風，日月彌深。法顯道人，至自祇洹。具說佛影，徧爲靈奇。幽巖嵌壁，若有存形容，儀端莊，相好具足。莫知始終，常自湛然。廬山法師，聞風而悅。於是隨喜幽室，卽考空巖，北枕峻嶺，南映滄澗。摹擬遺量，寄託青

彩豈唯像形也。篤故亦傳心者極矣。道秉道人
遠宜意旨。命余製銘以充刊刻。石銘所始。寔由
功被。未有道宗宗大若此之比。豈淺思膚學所
能宣述。事經徂謝。永眷罔已。輒罄竭劣。薄以諾
心。許徽猷秘奧。萬不寫一。庶推誠心。頗感群物
飛鶚有萃音之期。聞提獲自拔之路。當相尋於
淨土。解顏於道場。聖不我欺。致果必報。援筆興
言。情追其慨。

群生因染六趣牽纏。七識迭用。尤居屢遷。劇哉。

五陰卷矣。四緣遍使轉輪。苦根迤邐。迤邐未已。
轉輪在已。四緣雲薄。五陰火起。疊疊正覺。是極
是理。動不傷寂。行不乖止。曉爾長夢。貞爾沈詖。
以我神明。成爾靈智。我無自我。實承其義。爾無
自爾。必祛其僞。僞既殊塗。義故多端。因聲成韻。
卽色開顏。望影知易。尋響非難。形聲之外。復有
可觀。觀遠表相。就近曖景。匪質匪空。莫測莫領。
倚巖輝林。傍潭鑒井。借空傳翠。激光發罔。金好
冥漠。白豪幽曖。日月居諸。胡甯斯慨。曾是望僧。

擁誠俟對承風遺則曠若有槩敬圖遺縱疏鑿
峻峰周流步欄窈窕房櫳激波映堦引月八窓
雲往拂山風來過松地勢旣美像形亦篤彩淡
浮色群視沈覺若滅若無在摹在學由其潔精
能感靈獨誠之云孚惠亦孔續嗟爾懷道慎勿
中惕弱喪之推闡提之役反路今覩發蒙茲顛
式厲厥心時逝流易敢銘靈宇敬告震錫

書帙銘

懷幽卷顧戢妙抱密
舍以造舒卷不失亮惟

勤玩無或暇逸

卷之四

七

七濟

朝食既畢摘菓堂陰春惟枇杷夏則林檎

臨食問曰
謝東堂劉春
謝林餘

寸香

誄

宋武帝誄

九有同悲。四海等哀。矧伊下臣。思戀徘徊。敢遵前典。式述聖徽。乃作誄曰。

舜潛歷巖高晦。泗渚龍德而隱。風積乃舉。皇之遁世。屯難方阻。眷此區寰。閔爾淪胥。太元之季。權戚攜薄。隆安之初。主相蒙弱。嶽牧糾虔。朝廷紛錯。妖橫乘隙。蛟噴鯨躍。既擾輿區。遂斥帝座。亂離斯瘼。不後不先。寔賴明哲。授手康旃。紀度

迴薄餘分成閭。舊晉中微。僞楚藉釁。躡彼潛機。
整此英陳。推亡必朽。固存斯振。虛循負險。肆慝。
遐嶺。矜我江豫。迫我臺省。民旣搖蕩。國將遷鼎。
乘騶歸轅。式固臯境。弘危濟險。弭難釋殆。虎騎。
驚隰。舟師漲海。傾穴尋巢。窮幽測昧。胥去洛汭。
息肩江沚。世更十君。年踰百祀。國絕興復。家成。
桑梓。荒默莫恤。頽國誰耻。夏典載禹。九道是行。
商誥述湯。兼攻是弁。勤彼周流。愒此經營。仗鉞。
伐鼓。赫赫明明。乃救衆師。竟執戎昭。誨以三略。

惠以六韜、雲撤周京、席卷秦郊、復禮前塋、雪愧
舊朝、旣清西關、將旋東道、中懃徐豫、兼應燕趙、
業盛曩代、惠侔大造、澤及四海、功格八表、悠悠
聲教、縣縣川陸、北獻氊裘、南貢金竹、鬢首冠弁、
穿胸歛服、寒宄欣日、巢棲玩屋、匪惟遐譚、靈物
偕就、孰是人事、自天所佑、茸露芝草、祥雲瑞宿、
嘉禾連木、素鳥皓獸、晉之所感、謳頌同音、今之
所應、幽顯一心、宋克虞德、晉猶唐欽、曰總八絃、
于茲三齡、四維開張、允流昭明、敦儉務素、欽賢

愛萌制規作訓闡校修經禮樂已甄雲雨未弘
將陟井陘薄掃白登北朔渴望飛旌衡轡東岱
靈遲玉牒金滕天地不仁蒼生寡福已荷一遇
棄我何速梁顛木頽甘殞以贖同軌畢至率土
咸哀殊方均服樂樂素縗灑淚成雨響呌如雷
史臣考卜高山開基貞龜無遠遷靈有期嗣皇
擗標群后崩悲就云不戚痛百在茲惟祖之夕
流火始變秋月未永飛漏急箭鳴簫哀噉金觴
虛奠列駕長隧發輦華殿旣謝長隧是幸

雙蓋躊躇六閑引領攀援容貌眷戀俄頃哀哀
百僚長辭含鰓奉教百朝執鞭三始從履五牧
年歷十祀天光下濟謬蒙眷齒愧微刀筆頗預
遊止垂幕待講接筵餐理修曙朗夕登臺泛沼
匪月匪日無晏無早如何一旦緬邈穹昊微容
未遠聖靈超然收淚卽路含戚何言風霜蕭瑟
山海蒼茫地苦情矜節速心傷孰是幽哀實戀
我皇情思如環護蘇豈忘

宋廬陵王誄

事○非○淮○南○而○痛○深○於○中○霧○迹○非○任○城○而○暴○甚○於○
仰○毒○託○體○皇○極○銜○怨○至○盡○豈○惟○有○識○傷○慨○故○亦○
率○土○悽○心○蓋○出○罔○已○之○悲○以○陳○酸○切○之○事○云○爾○
誄曰

哀○哀○君○王○終○仁○且○德○在○枉○無○言○卽○臯○有○默○曾○是○
忍○虐○古○來○一○醕○身○微○咎○累○痛○踰○酖○毒○何○斯○禍○斯○
乃○怨○乃○戾○命○如○可○延○人○百○其○贖○矜○急○景○之○難○留○
悼○驚○波○之○易○淪○自○君○王○之○冥○漠○歷○彌○稔○於○此○春○
聆○鳴○禽○之○響○谷○視○喬○木○之○陵○雲○咸○感○節○而○興○悅○

獨懷悲而莫申。候射隼于高墉。赫玉典以正刑。
服二辜于北狄。致九伐于南荆。發酸痛于仁詔。
令寵贈于哀心。布悽楚于帝言。攄綢繆于皇音。

曇隆法師誄

夫協理置論。百家未見。其是因心自了一已。不
患其躋而終莫相辨。我若咸歎。翻淪得拔。竟知
于誰。冀行跡立。則善惡靡徵。欲聲名傳。則薰蕕
同歇。然意非身之所挫。期出命之所限者。目所
親覲。見之若人矣。慧心朗識。發于髫髻。生自豪

華家羸金帛。加以巧乘騎。解絲竹。秣絕景于康衢。弄絃管於華肆者。非徒經旬涉朔。彌歷年稔而已。諒趙李之咸陽。程鄭之臨邛矣。旣而永夜獨悟。中飲興歎曰。悲夫。欣厭迭來。終歸憂苦。不杜其根。於何超絕。且三界迴沈。諸天倏瞬。况齊景牛山。趙武企陰。催促節物。逼迫霜露。推此願言。伊何能久。慨然有擯落榮華。兼濟物我之志。毋氏矜其心。姊弟申其操。遂相許諾。出家求道。一身旣然。闔門離世。妻子長絕。歡娛永謝。豈唯